

P. 699, L. 2【四教各有四門】天台宗所立之四種悟入佛教真理的門徑：即有門、空門、亦有亦空門、非有非空門。此四門各各配於藏、通、別、圓四教，稱為四教四門。《妙法蓮華經玄義》卷 8：「三藏四門，皆滅色入空，如析實人，頭等六分，求人不得，故名為空。通教四門皆即色是空，如觀鏡像，六分即空，不待析盡為空。」(T33, p. 784c16-19)卷 8：「諸法既如幻，故名為有。幻不可得，故名為空。如鏡中像，見而不可見，不可見而見，是亦空亦有門。幻有尚不可得，況復幻空而當可得？即是兩捨為門。是通教即空之四門也。」(T33, p. 785a8-12)

P. 699, L. -4【依實相而得成就】《妙法蓮華經文句》卷 10：「輪王號令，止在四域，釋齊三十三，梵號令總上冠下，譬餘經說三諦三昧，各不相收，不得自在。此經所說，以實相入真，決了聲聞法，是諸經之王；實相入俗，一切治生產業不相違背；實相入中，諸法無非佛法。文云『一切學無學及發菩薩心者之父』，其義如是。」(T34, p. 143c22-28)《法華文句記》卷 10：「指三教菩薩為發菩薩心者，今經為彼之父，能生彼故，昔謂非子，至此方知。」(T34, p. 355a27-29)

P. 699, L. -3【辟支佛為第一】《妙法蓮華經文句》卷 10：「一切凡夫四果，支佛第一」者，此明任運無功用也。餘經要因功用乃得入流，如四果人，因聞思修，方乃得悟；此經明無作四諦，不雜方便，自然流入薩婆若海，如大白牛肥壯多力，其疾如風(云云)。」(T34, pp. 143c28-144a3)《法華文句記》卷 10：「但取發心、畢竟不別，不同三教要因功用，如別教，地前為方便也。如風下云云者，初住已入無功用位。」(T34, p. 355a29-b3)【無作四諦】圓教之說，主張迷悟之當體即為實相；認為大乘菩薩圓觀諸法，事事即理而無有造作。(一)苦諦，謂觀五陰、十二入等法皆即真如，實無苦相可捨。(二)集諦，謂觀一切煩惱惑業，性本清淨，實無招集生死之相可斷。(三)滅諦，謂觀生死、涅槃，體本不二，實無生死之苦可斷，亦無涅槃寂滅可證。(四)道諦，謂觀諸法皆即中道，離邊邪見，無煩惱之惑可斷，亦無菩提之道可修。～《佛光大辭典》《摩訶止觀》卷 1：「陰入皆如，無苦可捨。無明塵勞即是菩提，無集可斷。邊邪皆中正，無道可修。生死即涅槃，無滅可證。無苦無集，故無世間。無道無滅，故無出世間。純一實相。實相外更無別法。」(T46, p. 1c25-29)

P. 699, L. -1【能受持是經典者】《法華經授手》卷 9：「此標於六凡四果之後

者。以能持者為勝。明此經不思議力也。六凡於此經。故不足論。而四果雖聖。尚是小乘。為化城悶守之流。亦不足校也。」(X32, p. 796a4-6)

P. 700, L. 5【七方便】天台宗立有二種。(一)依藥草喻品三草二木之意而立者，謂人乘、天乘、聲聞乘、緣覺乘及藏教、通教、別教之菩薩乘。人天為小草，二乘為中草，三藏菩薩為上草，通教菩薩為小樹，別教菩薩為大樹。(二)依斷見、思二惑而立者，謂藏教之聲聞、緣覺，通教之聲聞、緣覺、菩薩，與別教、圓教之菩薩。～《佛光大辭典》

P. 700, L. 6+8【因第一、果第一】《妙法蓮華經文句》卷 10：「聲聞、支佛，菩薩為第一者，此明因第一也。餘經明因，是七方便；今經明因，出方便外，故因第一也。如來第一者，此明果也。餘經明果，近在寂場；此經明果，遠指本地，故最第一。」(T34, p. 144a3-7)

P. 700, L. -4【此經能救一切眾生等】《法華經授手》卷 9：「二歎法用。分三。一歎拔苦用…二歎與樂用…三總結脫苦。」「一切眾生。該九界。離苦惱者。離分段變易二種苦也。前歎法體殊勝。言極於佛。則無可踰。是謂尊之極矣。今歎其用。則亦知其無可能踰。以此經大悲無盡。蓋在佛知見也。知見既開。何苦不離。非唯以凡情羸垢。即微細變易生死塵垢。亦無所不盡也。」「大竅云：此經是無盡藏。故能饒益一切眾生。此經如清涼池。令渴乏者皆得甘露醍醐上味。遍體清涼故。此經如火。能令寒灰枯木者發智慧燄故。此經如衣。能令無功德莊嚴者著如來衣故。此經如主。能令無依怙者識真主故。此經如母。能令弱喪他鄉不知歸者得慈母故。此經如舡。能載眾生到彼岸故。此經如醫。能療眾生身心病故。此經如燈。能破生死長夜暗故。此經如寶。能令窮子所須如意故。此經如王。生死苦中得附大願王故。此經如海。煩惱海中得大智寶故。此經如炬。慧燄一發無明頓盡故。蓋此經大慈無盡。亦在佛知見也。知見既開。何樂不具。不唯凡情得解脫樂。亦令諸聖得佛果無上妙樂也。」「此總結拔苦與樂二妙用也。大竅云：一切苦者。五衰八苦也。一切病即身心二病也。生死縛。即分段、變易也。已上雖說種種譬喻以明此法。然畢竟比類不及。故大經云。佛子。如來以一切譬喻。說種種事。無有譬喻能喻此法。何以故？心智路絕。不思議故。此雖結拔苦。苦盡而樂自生。則與樂之義。在其間矣。」(X32, p. 796

a11-p. 796b17) 《法華經要解》卷 6：「眾生眾苦病痛縛著。皆因迷妄。能開佛知見則一切皆離。」(X30, p. 349c15-16)

P. 701, L. 4【所得功德】《法華經授手》卷 9：「此處雖舉聞經書寫。其實具足六種法師、十種供養。是勸修持此經者。福德無量也。言以佛智籌量不得其邊者。無非極顯經功難量。非謂佛智見之不到也。」(X32, p. 796b19-22)【六種法師】參考本書 P. 438：-2【十種供養】參考本書 P. 443

P. 701, L. 6【薝蔔、須曼那等】《法華經授手》卷 9：「薝蔔云金色華。又云黃華。須曼云善攝意華。波羅羅云重生華。婆利斯迦云雨華。雨時方生故。又云夏生華。那婆云雜華。摩利云奈華。又云鬘。以其華可作鬘故。以華薰油取其香故。」(X32, p. 796b22-c1)

P. 701, L. 8【明持此品福】《法華經知音》卷 6：「上節明一部經之為藥王校受持者之功德無量。此節明但持藥王一品者。與受持一部者之功德無異。」(X31, p. 460a12-14)《法華經授手》卷 9：「上明受持書寫供養全經功德。此又獨顯聞持一品功德。亦無有量。以此一品亦該全經故。不但一品該攝全經。即藥王二字亦該攝全經也。大窾云：若有人聞下。乃通舉一切人。次獨約女人。顯女人智劣。能信能持者。便即轉女成男矣。何以故？況捨身捨臂。非空我、空法之大丈夫。不能為也。」(X32, p. 796c4-9)

P. 701, L. -6【後五百歲】《法華文句記》卷 10：「《經》云「五百歲」者，《大集經》中有五五百，具如前文。《經》云「若有女人」等者，此中祇云得聞是經如說修行，即淨土因，不須更指《觀經》等也。」(T34, p. 355b4-7)《法華經授手》卷 9：「後五百歲者。大集經云：佛滅後初五百歲。解脫堅固。二五百歲。禪定堅固。三五百歲。多聞堅固。四福德堅固。五鬪諍堅固。即後五百歲也。唯此之時。善根鮮少。若女人能持。即大丈夫。故得福殊勝。命終生極樂者。以能捨娑婆之極愛故。」(X32, p. 796c9-14)

P. 701, L. -5【如說修行】《法華文句記》卷 10：「問：如何修行？答：既云如說修行，即依經立行，具如〈分別功德品〉中，直觀此土，四土具足，故此佛身即三身也，故此大眾即一切眾。以惑未斷故，故安樂行是同居淨土行之氣分

也，故不離同居穢見同居淨。問：同居類多，何必極樂？答：教說多故，由物機故，是攝生故，令專注故，宿緣厚故，約多分故。下分兜率(P. 792：3)，其例不同，但在機感。」(T34, p. 355b7-14)

《法華經大成》卷 8：「後五百歲。即鬪諍堅固時也。末法時代。善根轉少。大法冥利。雖女人猶獲勝利。況男子乎。問：此中但云如說修行即淨土因。如何修行耶？答：即受持讀誦。深信解相。問：彌陀攝念佛人生極樂。今聞法華。何故亦生耶？答：由解安樂行故。聞佛壽量故。此經名蓮華故。了明唯心故。然諸經指歸淨域。佛佛讚往西方。淨土法門乃眾生歸依處也。故文殊大智求生。普賢萬行願往。遠公始創東林。蓮師繼踵雲棲。若幽若顯。乃聖乃凡。三學高士。九流名賢。無不修持。若萬派以朝宗。似群星而拱北。彌陀願力弘深。眾生專念必往。希淨土者。宜盡心焉。不復下。明離諸塵垢。貪瞋癡乃根本煩惱。憍慢等垢乃隨煩惱。既到安養。所依者淨業。所會者善人。故遠離一切諸垢也。得菩薩下。明證理根淨。心寂根淨。故能見若干諸如來也。」(X32, p. 522a18-b9)

《法華經指掌疏》卷 6：「今云後五百歲。即鬪諍堅固時也。當此之時。人尚鬪諍。而執習堅固。法當壞滅。而怨嫉繁興。況在女流。猶能起真精進。作法供養。豈不捨穢軀而受清虛之身。離苦趣而生安樂之國。設有願見彌陀。求生安養。念力多乖。淨業難成者。胡為不拚其身命。力行此品。文中言如說修行者。或真能盡執。亦不必定捨身命。或實捨身命。願以撇無始執習。二俱是也。即往安樂者。言正當修行之時。設有願生彼國。隨念即至故。阿彌陀佛。大菩薩眾。圍繞住處者。言既生於彼。即到佛及菩薩住處。不同念佛功劣。猶墮疑城也。生蓮華中。寶座之上者。華開臺現。坐於其上。不同下品下生。經久乃開也。」(X33, p. 670b17-c5)